

# کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۲ ۱۵ جادی الاولی سنہ ۱۳۳۰ پنجشنبہ ۱۹ نیسان ۱۳۲۸ برنجی جلد

تاریخ و مقامات :

## یاد ماضی

مابعد [\*]

نوری بکک اول تاریخده ایکنجی شهزاده بولنان خاقان سابقه رضاعاً مناسبتی وار ایدی، بناءً علیه من القدییم شهزاده مشارالیهک دائرہ سی مواظبلرندن ایدی. فقط تفریمزدن برمدتجک اول بعض رقباسنک غمز وسعایتیه برساله نیک عنوانندن طولانی توجهدن ساقط اولمشیدی. نوری بک اعاده توجہ ایچون عکادن بعض وسائلط ایلہ معروضات تقدیم ایتدیسده یاعریضہلر محلنه وصول بولمور ایدی. ویاخود هیچ برینک تأثیری اولدی. نهایت « صداقت ضایع اولمز » اسمنده ۳۰ صحیفه لک برساله ده برحکایه مخیلہ ایلہ تصویر ماجری ایلدی ورساله « مخلص » نام مستعار یاه ۱۲۹۲ تاریخده قرق انبار مطبعه سنده طبع اولنهرق تقدیم ایلدی. کمال بکک آغاً درج اولسان مکتوبنده نوری بکک شمعی طارغین دیدیکی ذات ایلہ مرادی ایشته اوزمان شهزاده ثانی بولنان سلطان سالفدر. رساله ده رمز اولنان معذرت شایان قبول اولمش اولملی درکه کندیلرینک ملبوساتندن نوری بکک برصندوق اثواب کلدی. وحین جلوسده مظهر عاطفت علیا اولدی. احسان اولنان انوابدن نوری بکک بنده نصیبه دار ایلش ایدی.

منفالرمزده ایکن مستعار اسملر ومحدث کنیهلر ایلہ بعض رسائل نشر ایدیور ایدک. کمال بک « صابر » ومحدث افندی « جودت » ونوری بک « مخلص » وصاحب ترجمه محسن ناملرینی، توفیق بکده « ابوالضیا » کنیه سنی انتخاب ایتشار ایدی.

بعض آثار عاجزانه مک طبعی تسهیل ایلک لطف ومروتنده بولنان ذواتدن بری، اول وقت اوقاف هایون واردات مدیری اولوب برادرمر مرحوم راسم بک واسطه سیله غیباً معارفه حاصل ایلش اولدینم مشاهیر ادبای عثمانیه دن بدیع الزمان فیخرالاولان الحاج ابراهیم افندی مرحومدر. مشارالیهک حق عاجزانه مده کی حب والتفاتنک درجه سنی ارانه

[\*] مبادیسی ( صراط مستقیم ) . درج ابدلش ایدی .

خصوصنده بروثقه ادب و بلاغت اولمق اوزره عكاده ايكن فقيره كوندرمش اخوانياتدن  
بريني تبركا زيره ترقيم ايدلم :

ادام الله فضلك في ازدياد      يغار له المسود والمسود  
وعادلك التهاني كل عيد      وحاسدك المعادي لا يسود

الحمد لله تعالى حق حمده والصلوة والسلام على سيدنا محمد نبيه وعبدہ وعلى آله  
وصحبه البرره والتابعين المحسنين الخيره حضرة صاحب الحاسن الباهره والفضائل الظاهره اسماعيل  
حقى افندى المكرم المحترم السلام عليكم ورحمه الله تعالى وبركاته اما بعد فقد وصلنا كتابكم  
الكريم وحمدنا الله تعالى على صحتكم وسلامتكم وحصل لنا به كمال السرور وفهمنا جميع  
ما هو فيه مسطور . . . ونسأل الله تعالى ان يردكم عن قريب مردأ جيلا ودمتم بالخير  
والسلام .

ابراهيم

مرحوم بكاتونسلي خير الدين باشا نك اقوم المسالكنى كوندرمش اولديفندن مقدمه كتابى  
عكاده ايكن ترجمه ايتمش ودر سعادتہ عودتمزده « رهبر سعادت » عنوانيه استقبال  
وبرمقدار ينده بصيرت غزته لرنده نشر ايلشيدم. ايلروده مبحث مخصوصنده ذكر اولنه جنى  
اوزره مرحومك فعلا دخى لطف والتفاتى كوردم. بوراده براز توقف ايدلم ومتعلم ليريه  
برابر استاد فاضلك روان ياكنه فاتحمر اهدا ايليلم .

زمان اغترابده دكل بر معاونت فعليه بر مکتوبه بيله انسان دنيا قدر سوبنور .  
عكاده ايكن احبابى كرامدن بر چوق مکتوبلر اليور ايدم . بونلر بر حجم نشانه حب  
واخلاص اولديفندن نجه تقدير قيمتى قابل اولميان آثار نفيسه دن ايدى . حيف اندر  
حيف كه بو آثار لطف وكرم دور سابقك تفنيساتى هر جانبہ مد يد ايلديكى زمانده ون  
طشمرده بولنديم صروده خوف وخشيته تبعاً عائله طرفندن طعمه نار ايدلمش ، فقط تحسين  
افندى زاده ناظم بكك [۱] زيرده زيور سطور شكران قلنان التفاتنامه دادريلرى هر فصله  
اوراق كتب آرمسند قالمش اولديفندن دست تطاول زمانه دن رها بولمش :

برادر عاليلى بك افنديك مکتوبه ملفوفاً تنزل ايدوب ارسال بيورمش اولديفكز  
برقطعه تلطيفنامه اديبانه لرني كمال سرور وابتهاج ايله الدم محافظه اقبال وطن اغورنده  
هر درلو فدا كارغه حاضر بولسان ذات عاليلى كجى ادباى عثمانيه نك مظهر تلطيفى اولمقانم

[۱] اليوم سوريه واليسى بولان ناظم باشا حضرتلر بدر .

بنده کز جبهه اک بیوک بر مدار مفخرت اولدیغندن بو وجهله حقمده ارزان بیوردیغکنز  
لطف جلیله بحق بیان تشکر ایتمده عاجزم . . .  
بر زمان صکره متصرف لوا احمد بك انفصال ایتدی . بوحال بزم ایچون بك الیم  
وقائیدن اولغله بك متأثر اولدق .

[ مابعدی وار ]

برکت زاده اسماعیل حق



تراجم امرا :

اسعد خواجه

یانیهلی خواجه محمد اسعد بن علی :

علوم دینی و فنون عقلیهده تمیز ایدن فضلا ومؤلفین عثمانیهدن بر ذات عرفان سمات اولوب  
( یانیه ) لیدر . علوم آلهینی مملکتی علماسندن مفتی محمد و ابراهیم افندیلردن علوم عالییهده  
( ۱۰۹۸ ) تاریخنده استانبولده آق شهرلی زاده ابراهیم افندیدن بالتحصیل شرکاسنه فائق  
برسورتمده اخذ اجازهیه موفق اولهرق تدریسه باشلادی . بوانشاده تحصیلنه خواهشکر  
بولوندیغی علوم طبیعییه اساس اولق اوزره ( تکفور طاغی ) مفتی سابق فاضل فنون  
اشنا ( محمد ) افندیدن حساب و هیثاتی ورئیس المنجمین محمد افندیدن اصول ارتقاعی تعلم  
ایلهدی . بوتعلمدن سوکردهده زبان فارسییه مراقایدرك بولسان لطافت بیان متخصصلرندن  
( ملا منجل ) دن واصل مرام اولدی . واکتساب ایتدیکی شهرت علمیهسی مکافاتق اولق  
اوزره باب مشیختجه رتب علمیهدن ( ۱۱۱۱ ) تاریخنده ابتداء خارج و ( ۱۱۳۸ ) ده  
( غلطه ) ملالنی توجیه اولوندی .

بو مولوتی متعاقب اوتاریخنده یکی احداث اولونان ( دارالطباعة العامره ) مصحح لکنه  
تعین ایلدی . ومبنا و غایهسی تزکیه نفس و تصفیة قلب اولان طرق علیهدن طریق  
نقشبندییه انتساب ایله یوب نائل فیوضات محمدی اولدی . بو وجهله اوقائکذار ایکن  
( ۱۱۴۳ ) تاریخنده ارتحال داربقا ایدرك ( ادرنه قایمی ) خارجنده امیر بخاری درکاهی  
قربنده کی مقابرهده و دیعه خاک فنا قیلندی ( رحمه الله علیه ) .